


504

B

165





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
504 B 165











Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
504 B 165





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
504 B 165





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
504 B 165



Uw 504

B 165








504 B  
Rug

N  
tri





504 B 165  
B402

NOVA ZEMLA,

*Sive*

Descriptio contracta

brun. 40  
504  
B165

4.

# NAVIGATIONVM

trium admirandarum, à Belgis, per mare.

Hyperboreum in Chinam & Indiam Orientalem iter affectantibus, annis supra sesquimillesimum nonagesimo quarto, quinto, sexto irrito conatu tentatarum.

med

oat

*Auctore*

DANIELE SCHEMERINGIO

FLISSINGANO.



FLISSINGÆ,  
Ex Officina Samuelis Versterrij.

ANNO M. DC. XXXI.

40



*Amplissimo, prudentissimoque*  
**FLISSINGANÆ CIVITATIS**  
*inclytæ Senatui.*

*Varro.*  
*Plin.*



*Iri Ampl. Poëmation hoc filij, Gymnasio olim* patrio exhibitum, nunc verò è papyracea eius suppellectili prolatum, hortatu amici docti non unius, suppressi nolentis, posthumum Solem videt, & videt quà de auctore, quà de loco, qui exclusit, meritissimo mancipio vestrum. Vos serena, quæso, fronte acceptum ne aspernamini: & iudices præbete eos, quos se boni bonis solent, hoc est, æquos, faciles, benevolos: memores, ut in bona segete nonnullum spicuum malum invenias, ita in mala etiam aliquod bonum: nullumque esse scriptum ita malum, ut non aliqua ex parte profit. Quod si tamen in eo quid fortè minùs se probarit, Vestraque Ampl. non satis responderit: ætas auctoris excuset, & mors festina. Nec enim ita altum subvolare teneræ ætati promptum fuit, ut non uspiam impingeret: nec ita dare opus exasciatum ac lævigatum, ut cum torno & cothurno comparari posset. Quippe annos nondum quindecim compleverat, cum lucubraret: & quod statuerat paucis ante morbum, qui finem ei vitæ attulit, mensibus, nempe ut interpolatum, perpolitum, ad lineamque & limam revocatum, ampliatum etiam daret, morte (proh dolor!) immatura præventus non potuit. Viciligatores fastidiosè tetrici, quibus oculos emissitios ac conturbatos in aliorum foetus intenderé, omnia non sua carpere, iudicium non concoctum præcipitare, & si quid non nusquam vile videatur, totum ut frivolum ac proletarium sugillare, unguibusque adeo & obeliscis statim desævire voluptabile est, parum movent. Satis, si cum alijs viam decurrendam filius præmonstraverit, & ad perrexendum feliciter, tenuiter olim ille quod orsus, faces admoverit: tum vos, Viros Ampliss. posthumæ hujus opellæ contra obtrestantium morsus patronos faventes habuerit. Argumentum utique magnum, admirabile, novum, & à nemine, quod sciam, poëta hactenus tractatum. Quo nomine procul dubio etiam gratius accidet. Deus Opt. Max. in hoc ancipiti rerum statu consilia Amplit. Vestra prosperet, regiminique florenti incrementa conferat. E Gymnasio vestro, Id. Iun. Anni à nato Servatore M. D C. XXXI.

*Ampl. vestram*

Reverenter colens

**Tobias Schemeringius**  
Gymnasij Rector.







DESIGNATIO  
NAVIGATIONVM

*trium Borealiū, à Belgis in Chinam  
& Indiam Orientalem frustra  
tentatarum.*

**B**elgiacæ Eoos frustra nitentis ad Indos  
Clima per Arctoum non tentatum prius  
ulli

Propositio.

Classis iter, miros casus, variósq; labores  
Erroresque cano: quos non cum barbarus audit  
Temperet à lacrymis. Tu paucula suffice vati  
Aonidum dux vera tuo. Tetigisse suprema  
Sat mihi. Res gravioze tuba dignissima. Vates  
Olim maior eam totum sparsurus in orbem.

Narratio.

India Belgicas clarescere coepta per urbes  
Et quæstus animos, & castæ religionis  
Vulgandæ cupidos procerum rapiebat: at unum  
Obstabat desiderio, via longa, laborum  
Plena, & non dubijs medio loca foeta periclis.  
Nempe meaturis ultro citroque secandum  
Solis iter, non assuetis res noxia membris:  
Infestusque salum deprædabatur Iberus.

Ergo ineunt coetum proceres, pensantq; periculum,  
Sanandoque malo quæ sit medicina requirunt.  
Mens non una viris. Potior sententia quorum  
Visa, iter hi Boreale probant: Norvegica circum  
Littora Russicas suadent contendere ad undas,



Tartaricósque sinus, montes superare Tabinos,  
Et circumflexo freta per Cathaia cursu,  
Chinæique feras spatiosi gurgitis undas  
Tandem exoptatis Indorum allabier oris.

## NAVIGATIO I.

Classis quatuor navium ab Hollandis & Zelandis, præfectis Gulielmo Berenssonio, Cornelio Cornelidæ & Ioanne Hugio Linschoto, instruitur.

Sic visum. Classi ratio tempusque locusque  
Dicitur aptandæ. Quatuor molitur ituras  
Mattiacus Batavusque rates, usque peritis  
Ignotumque viris penetrare audentibus æquor  
Instruit armatas. Corneliadæque satoque  
Bernardo datur imperium: minor arte nec ullo  
Additur artificum Linschotus: littore quondam  
Qui patrio procul Indiacis habitaverat oris.  
Fert animus cujusque vias tentare, locosque  
Explorare novos: primo fortuna labori  
Quæ fuerit, coepti quæ sit fiducia cursus  
Indiaci, quæ spes, ceu iussi, exacta referre.

Solvit à Texelia.

Austrino prætenta sinu jacet insula, spectans  
Hinc Batavos, illinc Frisios, agrisque virisque  
Terra frequens, herbis dulcique uligine læta.  
Quam quondam reliqua Batavum tellure ruina  
Divulsam graviore ferunt. Cum protinus una  
Terra foret, venit medio vi Flevus, & undis  
Texelium Batavo latus abscidit, arvæque ab arvis  
Littore discludens angusto interluit æstu.  
Martius hinc portus, statio famosa, profunda,  
Ampla: sed accessu venti malè fida carinis.

Hinc iter. Ergo ubi prima fides pelagique, salumque  
Placatum, & lenis crepitans vocat Auster in altum,  
Certatim incumbunt operi non tarda juvenus  
Nautica, præcipiti per littora tota feruntur  
Discursu, stipantque rates, rebusque paratis

Haud



Haud mora velorum sinuosa volumina pandunt  
Cæcula visuri, retina claque littore solvunt.

Et iam Mattiacæ certo Batavæque carinæ  
Ordine Texelio portu tranquilla relicto  
Alta per, optato sectante à puppibus Austro,  
Provectæ facili Norvegica littora cursu  
Exsuperant, crebrisque legunt freta confita terris.

Hic prius haud ignota viros Childunica primum  
Accipit hospitio tellus sociasque carinas.

Intea fluxa legit pubes lætata, tenaci  
Firmat dente rates: exin se robore promit  
Tota cavo, gremioque novæ telluris amico  
Usa cutem curat: factoque hoc plena secundo  
Flante Noto rursum lato dat carbasa ponto.

Iamque ut velivolæ commissa voraginis Austro  
Classis ovans iterum campo secura tenetur  
Immenso, statioque viris usquam, insula, portus  
Nullus in aspectu: nil cælum præter & æquor:  
Ecce poli æthereo surgens gravis urget ab axe  
Austrorum crepitantium & horrifonum nimborum  
Tempestat. Coelum sine fidere turgit opacum  
Halitibus furvis, densumque nigrantibus undis.  
Prospectum quocunque petas, nox nubila totum,  
Terribili præsens facie minitata periculum.

Nec citum ventis languet mare. Surgit arena  
Consumptura rates, tellusque occulta vadofas  
In cumulum suspendit aquas: atque agmine facto  
Dura tonant raucum glomerati ad littora fluctus.

Interea vasto jactantur gurgite puppes,  
Ventorum rabie pelagique furoribus actæ:  
Nec sic jacta tamen (mirum) sic quassa laborat  
Illa ratis, undamve capit, rimisve fatiscit.

Hic geminum tentatur iter: pars littora sævi

Norvegiam  
prætervehitur.

Tempestate  
opprimitur.

Dux naves,  
quarum Lin-

A 3

Lap-



schotus & Cornelides præ-  
fecti, præter  
littora Lappi-  
ca & Russica  
feruntur.

† Fretū VVay-  
gats, Nassovi-  
um postea di-  
ctum, trāseunt,  
& ad flumina  
Tartarica pe-  
netrant.

‡ Reliquæ duæ  
præfecto Be-  
rensonio in  
Septētrionem  
vectæ Novam  
Zemlam le-  
gunt.

Terræ Urfinæ  
propinquant.

Hic ab urso  
albo pericu-  
lum.

Lappiaci legit alta sali, quæ fortibus ausis  
Linschotūque pares Corneliadēque vehebat,  
Russiaci rectōque maris petit æquora cursu.

† Hinc freta foeta malis, rabidisque obnoxia ventis,  
Interrupta quibus totum vix flabra per annum  
Nomina fecerunt & Hyperborei Aquilones,  
Tartaricosque super superant fluviōsque sinūsque.

‡ Pars Bernardiadæ auspicio & tutamine cursum  
Altiūs inceptum peragunt, quōsque horrifer axis  
Desuper aspectat gelidos Aquilonis ad ortus  
Contendunt, Arctūque petunt, septēmq; triones.

Iamque ter immenso decies sol luxerat orbi,  
Cum juga & obscuri colles, & inhospita Zemlæ  
(Terra prius Batavas vix nomine nota per oras:  
Scilicet hybernis circum usque obsessa pruinis  
Nec frondem novit viridem, nec graminis herbam)

Protinus apparent longè loca, littora sese  
Attollunt niveis informia molibus, alto  
Sæpè gelu centum latè assurgentia in ulnas.  
Tum Bernardiades, sociū sectante caterva,  
Lætior exclamat: sed nescius ille futuræ  
Tam duræ fortis, tot tantorūque laborum.

Exin Zemlanæ præter fera littora terræ,  
Tota recurvato multū sinuosa Mæandro  
Delatis vasto ostendit sese æquore tellus  
Vrforum sævæ gentis de nomine dicta.

Vix loca deventum latebris horrenda ferarum,  
Cum subitò cæcum trux bellua deferit antrum,  
Impetuosa ruit, metuendæque guttura spumat: (di  
Monstrum horrendum, ingens, cui non par Africa v  
Bellua non alibi niveo spectata colore.  
Rara feræ species & portentosa: cruentos  
Sæviūs illa oculos & sæviūs ora ferebat

Mur



urmure cum magno, cūque horrifono ululatu.  
attonitis inhians animis stupet infcia visu (quit.  
urba virūm, reprimítque pedem, terrámque relin-  
entit, & insequitur, rapitúrque ad littora præceps  
anta feræ rabies, coeci que infania cordis)  
ulta fremens, pandénsque avido cava guttura rictu.  
Híc juvenem stimulis immanibus æmula virtus  
excitat, & mentem ad facinus memorabile flammât.  
nus hic attonitos castigat, & increpat unus,  
ectoraque incendit dictis, atque aggerit iras:  
egeneres homines, focij, timor arguit. ohe  
ortibus híc animis opus est, híc pectore firmo.  
nulla accendit magnarum gloria rerum,  
oas loeti nunquam superabimus oras.  
fi cui virtus, animúsque in pectore præfens,  
e fequitur fidens, alacrísque in prælia mecum  
rmator. Dixit. Nihil híc cunctata juvenus  
æraque ad auxilium focij concurrit, in hostem  
e ardet, rapit arma ferox, cymbaque soluta  
bvia sese offert monstro, propiorque minanti  
sa minans contrà plumbum eminus igne coruscum  
irigit, excussa mediúmque subinde recludit  
blande latus. Multam vomit atri sanguinis undam  
ulnus, & effuso signantur littora tabo.  
Ecce autem híc visu patuit mirabile monstrum,  
on audita feræ vis, ira, infania læfæ.  
cilicet attonitum primò filet: inde moratum  
laud multa, impatiens accepti vulneris atram  
pirantis faniem, collectis viribus, etfi  
tima sanguineo manarent viscera rivo,  
on tamen abfistit pecus: in conamina fertur  
bndictam meditans (quis credat?) & altiùs effert  
cine cælo sublime caput: acuit dolor iram:

Victo-



Victorem ulcisci victum parat, & mala praecepta  
Ardor agit pensare malis, ac vulnere vulnus.  
Tempora nec differt irae: quin littore lecto  
Semi animo in tumidos rapitur mox corpore fluctus  
Impavidum, & magno molimine fertur in hostem,  
Luctaturque, valet quanta vi, & cominus instat.

Fervida & ipsa cohors in monstrum fertur anhelum  
Nautica, & instantis stupam cervicibus aptat  
Circumfusa feræ, collo laqueumque cruento  
Induit, & remis annixa per æquora lembum  
Ponè trucem ductans hostem spumantia vinctum,  
Gnara mali malè venturi, Superavimus, ore  
Clamat ovans uno: jam bellua fluctibus impar  
Desinet irarum. Defessi fluctibus, armis  
Spes erat hoc monstri (monstri, cui par prius unquam  
Fluctivagis nulli de gentibus Amphitrites  
Obtulerat: monstri, quale & Bernardius ipse,  
Qui nova, qui veterum senior monumenta virorum  
Volverat, æquoreasque diu sulcaverat undas,  
Audivisse unquam sese aut vidisse negabat,  
Miratus rabiemque & inexpugnabile robur)  
Navibus excipere, & quondam spectacula captum  
In patrias vivum pelago deducere terras.  
At frustra. Vanæ spes & fallacia vota.  
En fera, quæ medijs lassata videtur in undis,  
Iam propior cymbæ valido puppem pede prensat,  
Conscendisse parat furibunda, & pectore pronò  
Desuper incumbit clavo. Percussa virorum  
Tota petit proram pubes, quæritque latebras.  
At fortuna favet. Laquei remoratur euntem  
Implicitum clavo vinclum, cohibetque furorem.  
Deficit. Hic hasta fera pectora perforat unus,  
Fracto alter contos illidit in ossa cerebro.

Vita



Vita fugit. Cædis successu læta juvenus  
 Nautica terga rapit costis & viscera nudat.  
 Pergit, & ulteriora legit vaga littora classis,  
 Tandemque Auræicis provecta allabatur oris.  
 Hic verò nova res animos nec cognita turbat,  
 Bis centena jacent, ponti gens cærule, monstra  
 Littore deserto (Walruschas nomine dicunt)  
 Hybernium ad vasta se mole moventia solem:  
 Monstra bobus majora & quadrupedantia: monstra  
 Horrenda aspectu, fera lumine, & auribus orba:  
 Delphinum caudas utero commissa repando:  
 Sed rictus avidos referentia & ora leones.  
 Duri sicut ebur dentes, niveique glabrique:  
 Cæla pedes binos extantia bina palato:  
 æve caput: duris non horrida tergora fetis:  
 Ipsaque non terra solum, non marmore nata  
 Vivere spumanti: loca permutare subinde  
 Sicca udis solita, hybernis gavisæ pruinis,  
 Læta gelu, & gravibus concedere nescia nimbis:  
 Vel glacie in gratam excubias agitantia prædam:  
 Tanta quibus virtus, & tanta potentia, vix ut,  
 Dum caput integrum, lethali vulnere sternas.  
 Tota virum metuit conterrita turba periculum:  
 Nec metuit temere. Vires unius & iram  
 Licet experti. Nam vix benè littora cernunt,  
 De grege portentum nautis quando imminet unum  
 Dente ferox unco minitans, actumque phaselum  
 Remigio superare parat, pressumque profundo  
 Mergere: mississetque: sed è graviore periclo  
 Res pavidos fors una viros rapit, estque saluti.  
 Collitur à cunctis immensus ad æthera clamor.  
 Hic pecus ingenti captum formidine, charos  
 Extemplo blandis ultro sua pignora natos,

Ad insulas Au-  
 raicas cum  
 Valruschis  
 negotium,

B

Quos



Quos gremio interea de more abiecerat, ulnis  
En repetit, pressisq; ad pectora fida gemellis  
(Tantus amor sobolis, tam foetus anxia cura est)  
Proripit inde fuga, noto & se gurgite condit.

Non tamen his animus monstrosa excedere ter:  
Et Bernardiades, quæ nunc sententia surgat,  
Percipite, exclamat, socij, & mea figite dicta.  
Forfitan invicto pollent quæ robore ponto  
Æquoreum pecudes genus, aut spumantibus undi  
Non ea vis terra fuerit, non tanta potestas.  
Vix ea fatus erat, socios simul arma capeffant  
Hortatur, genti bellum moveantque nefandæ.

Haud secus ac jussi faciunt, quos dentis eburni  
Imperiosa fames, & habendi cæca libido  
Instigat, quos laudis amor: gladiisq; ruentes,  
Sclopetis, hastis, validisque bipennibus instant  
Neptuni ferro foedare immania monstra.  
Sed neque vim membris ullam, nec vulnera tergo  
Vlla ferunt. Validis confringunt ferrea costis  
Arma viri. Solùm multis è dentibus unum  
Excutiunt, secumque ferunt, puppèsque revifunt  
Nec tamen absistit coeptis, terramve relinquit  
Desperans abitura cohors: graviora requirunt  
Arma super, curvo Mavortia littore certi  
Tormenta exposuisse, simul quæ nescia vinci  
Monstra in displodant, & quamvis dura globorum  
Impete, vique doment. Hic se candore nivali  
Obvius infrendens offert redeuntibus ursus.  
Traiiciunt plumbo venientem & glandibus. Ille  
Ocyor insana nubes glomerante procella,  
Molitúrque fugam læsus, pronúsque profundo  
Volvitur in caput, ac rapido citus æquore fertur  
Fluctibus in medijs: & sic se lætus aquarum

Pis-



Præsidio munit lethali fessus ab ictu  
Semianimem. Illum ardens fugientem turba biremi  
Sectatur, pavidumque premit, remisque volentem  
Urget honoris amans, teloque & glande fatigat:  
Seminecisque feræ jugulum mucrone resolvens  
Pertrahit in glaciem. Iacet hîc sine robore corpus,  
Cærule dum domitis repetant in littore monstros.

Hîc dum operi incumbunt alacres, stridentiaq; ære  
Bellica demissos per funes ordine longo  
Certatim focij pictis tormenta carinis  
Expediunt, magno expositis molimine lapsus  
Subijciunt, vinculisque trahunt, & littore sistunt  
Adverso, explodenda super simul eminus omne  
Quadrupedum glaucæ validum genus Amphitrites:  
Crebrescunt Boreæ invisi, violentaque surgens  
Tempesta sine fine fuit, penitusque rigentem  
Dividit heu glaciem, rimosaque pandit aquarum  
Agmina cum gemitu, cumque horrifono mugitu.

Pergere ulterius  
glacies  
vetat.

It ventis labor, & studio vanescit inani,  
Irritaque ambigui rapiunt conamina nimbi.  
Qui posuere simul, non hospita littora crudis  
Linquere plena feris, terras tentare remotas  
Vlterius, quinam teneant, hominesne feræne  
Quærere fert animus: juvat evasisse tot undas,  
Littora tot, tot sævarum deserta ferarum  
Lustra viros. Sedenim monstrorum examina passim  
Æquore quod superant, glacieique undique cernunt  
Congestos hyeme immani per littora montes,  
Et crustâ apparet rigidâ intractabilis unda,  
(Nam ferro validisque securibus exantlare  
Tantum opus & fecisse viam labor irritus, ultra  
Nec lassos penetrare viros spes ulla) retrorsum,  
Vela dare, & ventis cursus iterare relictos,

Redire & so-  
cios requirere  
placet.



Socij in reditu  
se offerunt.

Cursum suum  
exponunt.

Desertas nuper sociasque requirere puppes  
Vnanimes, sortemque virum cognoscere cernunt.  
Littora iamque legit retro Zemlana juvenus,  
Atque animum nunc huc ægrum, nunc dividit illuc,  
In diversa ruens, ac secum quæque revolvens  
Tristia spem, dubiumque inter suspensa timorem:  
Seu credant superare viros, ac vescier aura  
Ætherea, seu jam crudeli occumbere fato:  
Cum varios ultro post casus, mille pericla  
Incidit in socias fortuna afflante carinas.  
Ænea fulmineis flammis sonitûque tonanti  
Lætitiâ tormenta procul Mavortia utrinque  
Testantur displosa. juvat reducésque carinas  
Aspicere, & reduces socios, & jungere dextras:  
Scitari sortem, cognoscere fata virorum,  
Et veras ardent audire ac reddere voces.  
Casibus hi superant: illos fiducia major  
Spesque tenet cæptum quondam finire laborem.  
Scilicet illorum sunt hæc compendia cursus.  
Diverso socijs ut limite dura relictis  
Tendentes Lappana legunt jam littora, nec non  
Æquora Russiæ penetrant contermina terræ,  
Nota prius sese vix ulli plurima prodit  
Insula: quæis cunctis, ne post ventura filescant  
Secula, nec tegat ignota sub nube vetustas,  
Signatis tribuunt, ætas quæ posthuma noscat,  
Nomina. Dein longo magnum per inane volantis  
Infestante rates nebulæ gravioris amictu,  
Spem præter, ducente Deo, latumque profundumq;  
Expertis subijisse fretum, penetrabile, tutum,  
Augescunt animi. Pergunt, tandemque in apertum  
Vndarum campum, & gelidis minùs aspera ventis  
Æquora descendunt. Hinc usque ad flumē Obinum,  
Tarta-



Tartarico è regno spacioſa per oſtia vaſtum  
 in mare ſe magno exonerans molimine, curſu  
 elici penetrant. Errorum iſ terminus. Hîc jam  
 æta boum tandem campis armenta, pecûſque  
 ornigerum apparet frondofa in valle per herbam.  
 apparent homines, hominûmque optata pateſcunt  
 oſpitia. Hîc feſſum reficit corpûſque animûmque  
 æta cohors : tenuj ſed iter remorante caniſtro,  
 ſiſtantîſque metu brumæ intractabilis iræ  
 terius, iuſſo curſûſque labore peracto,  
 laultra ſali repetita ſecat, Naſſovia dicit  
 nomine mutato. Iunctis exinde carinis,  
 claſſe ſimul ſalva redeunt, patriâque potiti  
 llure, & ſeriem juſſi memorare laborum,  
 ognita, viſa ſibi expediunt : fructûmque laboris,  
 emque ſuis quondam explendi conaminis augent.

Salvi ſimul  
 domum rede-  
 unt.

## NAVIGATIO II.

Spes jam facta viæ, minuat quæ tædia, curſu  
 quæ Batavûm brevior rates Borealia præter  
 tiora devectas Indorum ſiſtat in oris.  
 fortuna meliore frui jam quilibet ardet.  
 ſuſius Auraïci ſtudio, patrûmque voluntas  
 omnia patet. Monitis horum inſtinctûque ſecûdûm  
 ſiſtatiacus Baſtavûſque pari certamine claſſem  
 recernit : ſolitæ moliri finibus oræ  
 ternas valido prægrandes robore naves  
 operat : inſtructis nummos commercia propter  
 & merces ſtipat genus omne carinis :  
 quæ freta Ruſſiacis Zemlam tribuentia terris,  
 nim importuno ventorum à flamine dicta,  
 hic ducis auguſto Naſſovi nomine, Belgis  
 benè nota ſatis penetrent : & ſi ſinat ultra

Nova claſſis  
 ſex navium  
 ab Hollandis  
 & Zelandis  
 adornatur.

B 3

Tende-



Septima addi-  
tur, quæ, ad  
Chinam ubi  
ventum, rede-  
at, fortunam  
doceat.

Provecta à  
Texelia classis  
ad Norvegiam  
in balænam  
dormientem  
incidit.

Navis una in  
scopulo peri-  
elicitur.

Tendere multa mari glacies, nec vela retardet,  
Tartariam superent, promontoriúmque Tabinum,  
Indiacasque petant freta per Cathaia terras.

Nec fatis has ornasse rates. Adiungitur illis  
Septima, quæ si læta novo fortuna labori  
Aspiret, cursu prima ad Chinæa peracto  
Littora, & in tepidum cæpto convertier Austrum,  
Rellictis redeat fociis, remque ordine pandat.

Vix Norvegiaci classis subit æquora ponti,  
Improvisa rati cum somno cominus uni  
Objicitur mole immani sopita recumbens  
Balæna : & nova res animos inopinæque turbat  
Attonitos. Nec enim retro est convertere cursum,  
Et rectâ in vastum fertur ratis incita monstrum.  
Quid faciant? magnum clamorem ad sidera tollunt  
Unanimes socij, iuxta pulsqûe rudentes  
Antennæque gemunt, & murmure carbasa rauco  
Præpetibus rapidisque Aquilonum turgida flabris  
Horrissonum longo rectâ subeuntia tractu  
Plena sonant. Somno excusso sic protinus alto  
Subductum fundo monstrum se gurgitis imo  
Insinuat. Verum non hæc diuturna voluptas.  
Namque simul cursu mutato classis in ortum  
Vertitur, alta legens Finmarchica littora, dictasque  
Amatre & natis vix cernunt æquore terras :  
Qua rate Sibrandus vehitur, fidissimus unus  
Ducentum, in cœcos heu crebrescentibus auris  
Urgetur scopulos, frustra (miserabile visu)  
Luctatur, cursum saxo remorante : nec ipsa  
Sufficit una sibi : socijs dat signa laboris.  
Accelerant, adsunt, & vires viribus addunt  
Certatim adnixa, traduntque, trahuntque, levântque  
In cassum : vanus labor omnis, inutilis ardor.

Illa



Illa loco malè mota manet: donec maris ira  
 Et Borea demum posito spem præter acutum  
 Optatò evadit scopulum, seseque periculo  
 Eripit. Attollit se tandem Zemlica tellus  
 Tota gelu circum glaciéque obsessa rigenti  
 Perpetuo ceu monte: attollit & insula juxtà  
 Auraici ante duplex nomen de nomine nacta  
 Principis. Angustis rarefcit faucibus æquor  
 Nassovium. Ingressis penetrandi copia defit (ram  
 Spem præter: glacie, heu, via multà haud pervia, ter-  
 Samoietùm inter, promontoriùmque repertis  
 Nomen ab idolis ducens, & frigore pigro.  
 At sinus ad lævam propior, portusque patefcit,  
 Portus ab incurfu glaciei tutus, & actis  
 Efferat quem venti rabies non asperat undis.  
 Hoc viso, lævas proram cita torquet ad undas  
 Collecta rate tota cohors: stationis amore  
 Capta loco subit, & tabentia littore primùm  
 Membra locat, reparat vires, animosque relaxat.

Tum decies quinos è coetu protinus omni  
 Sorte legunt, lectosque viros per littora longùm  
 Dimitunt, terrasque iubent lustrare jacentes.  
 Haud secus ac iussi faciunt: atque ocyus omnes  
 Sorte datum ingrediuntur iter: vix littore lieto  
 Pellibus & pingui gravium monstroque marino  
 Cùm se rhedarum vis major euntibus offert,  
 Et super apparent hominum vestigia passim  
 Hinnuleique leves. Pertendant gaudia pectus,  
 Et loca quantumvis habitari diffita credunt.  
 Addita quin dubiæ crescit fiducia menti.  
 Monte sub æquoreo lustrantibus idolorum  
 Apparent species, cinerumque ossumque relictis  
 Molibus ambustis, sacri documenta peracti.

Nova Zemla  
 se ostendit.

Inde gemina  
 insula Auraica.

Fretum Nas-  
 sovium transi-  
 re glacies pro-  
 hibet.

In sinu ad læ-  
 vam rhedæ,  
 hominum ve-  
 stigia & idola  
 reperiuntur:  
 homines nulli.

Ten-



Ex orientali  
littore mare  
Tartaricum si-  
ne glacie con-  
spicitur.

Sed fretum  
ob glaciem  
non pervium.

Russica se of-  
fert navis.

Tendunt ulteriùs, qui naturámque locorum  
Expediant. quærunt. Nemo quærentibus offert.  
Mirantur rerum ignari: sed qui tenet ardor,  
Haud passus repetisse rates, invisere suadet  
Littora, quæ radijs magè subdita matutinis.  
Huc ubi perventum, viduum nivibúsque, gelúque  
Conspiciunt mare Tartaricum. Gavisa juvenus  
Confestim ad socios redit, & quæ visa reportat.

Inspectum hi celerem mittunt mora nulla phaselum  
Tartaricum freta per pelagus. Non pervia parent  
Æquora, perpetuo glacie ceu monte sub auras  
Congestâ. Ergo viri relicto ad littora lembo  
Lustratum extremas currunt pede marmor ad oras,  
Tartaricísque vident è fluctibus eructatâ  
Russiacæ urgeri glacie undique littora terræ:  
Et freta circumfessa gelu sic clausa teneri  
Ultima, nulla rati penetrandi ut copia detur.

Ecce autem interea speculantibus obvia nautis  
Russica fit navis, pecudum pinguedine larga  
Æquoreùm gravis, & permagno dentis eburni  
Pondere. Fidentes animi simul agmine certo  
Protinus accedunt Belgæ, puppique propinquant.  
Barbara turba videt, sortem miserata virorum  
Vndique circumfusa ruit, positâque severa  
Barbarie, facili facie, gestúque benigno  
Accipit errantes ultro, blandúmque salutat.  
Nec sic accepisse sat est: bis pingua denúm  
Corpora palmipedum (regio namque omnis abundat  
Anfere) dona ferunt. ô officiosa voluntas  
Barbara! Belgiacas super inspectura carinas  
Præceps turba ruit: videt inconsueta, stupétque  
Aspectu primo: miratur singula membra,  
Antennas, proram, puppim, acroteria, malos,

Carba-



Carbasa, rostra, foros, alvum, tabulata, rudentes:  
Miratur niti dūmq̃ue habitum, faciēmq̃ue superbam:  
Miratur molem, miratur & armaturam.

Hæc dum Russiacæ genti miranda videntur,  
Dum stupet aspectans, obtutūque hæret in uno,  
Ductores adolere focos, epulāsque recentes  
Instaurare jubent. Cum Belgis Russica turba  
Discumbunt, structisq̃ue agitant convivium mensis.

Interea dapibus dum sic vescuntur opimis,  
Belgica gens scitatur iter: num copia detur  
Vlterius penetrare rogat: si pervia classi  
Sint freta, Tartaricęque sinus, qua parte pateant,  
Hortantur fari, cursusq̃ue & signa docere.  
Talia consultus multum quærentibus illis  
Maximus è Russis placido sic pectore reddit:  
Quæ de Tartaricis sententia nostra sit undis,  
Et mare num vestris pateat glaciale carinis,  
Expediam, & paucis (animos adhibete) docebo.  
Tartaricis naves nunc expectantur ab oris,  
Vecturæ hinc nostras vicina per æquora merces  
Longa, viri. Sed bis postquam Phoebeia lampas  
Circumijit, rutilumque bigis confecit Olympum,  
Bina novum verso reparans sua cornua tractu:  
Quæ fera nunc validis tumefacta movetur ab Austris,  
Cœruleo concreta gelu, ceu marmore duro,  
Vnda diu, haud vento cedens, haud pervia puppi  
Stabit iners: ficcis pedibus calcabitur æquor.

Hæc ubi dicta dedit, & edendi victa libido  
Longa cibo, & pleno jejunia pulsa canistro:  
Et tu lætitiæ exhilarans languentia dudum  
Bacche dator dulci reparasti corda Lyæo:  
Haleces, quas antè cadis onerarat acernis,  
Et sale condierat puro, largaque natantes

C

Navita



Navita Belga prius patrijs abiturus ab oris  
Tinxerat in muria, rara pinguedine cunctas,  
Ingentésque, gravésque, & obeso ventre novellas,  
Muneris accepti non immemor ille recentis,  
Nec sua Rusiacis concedere munera passus  
Muneribus, plena lætus depromit ab orca  
Ter centum, quæ sint abeunti dona catervæ.

Ad dextram  
Samoietarum  
regio visitur.

Terra procul vastis colitur malè cognita campis  
Zemlanæ ad dextram gelidæ contraria terræ :  
Samoietæ habitant, gens effera, inania faxi  
Excisi, pictivæ colens ludibria trunci,  
Tota superstitionis amans : gens corpore parvo :  
Ampla cui facies, frons aspera, luminis orbis  
Arctior, exilésque pedes, contractaque crura :  
Paupere gens tecto, mensaque, & paupere cultu.  
Colligit intonfos nodus cohibétque capillos.  
Nisi faciat, sine lege comæ crinésque solutus (lestus  
Diffuat, immissusque humerum per utrumque mo-  
Spargatur, detúrque vagis diffundier Austris.  
Corporibus cœlique minas, frigúsque malignum  
Horrida defendunt cervorum tegmina : pendent  
Vertice pelliti velamina picta galeri  
Nare tenus : toto de corpore nil nisi nigra  
Nubilâque ora vides, & promula labra. volantes  
Sæpe juvat de more trahas agitare : modò unum  
Aeripedem longo solum, modò jungere binos.  
Temoni hinnuleos, rapidâque insistere rheda :  
Et glomerare solo cursus, & tollere campo  
Pulveream nubem, dextrâque minante rotatis  
Quadrupedi flagris faciles volitare per auras.  
Samoietarum hi mores habitúsque. Juventus,  
Dum glacies tenet, hos invisere nautica gaudet.  
Littora vix dictæ gentis retigere carinæ :

Cum



Cùm rapuere diem fumi cœlûmque frequentes  
 Nautarum ex oculis, cœlo nox incubat atra  
 Horrentis nebulæ, & furvo velamine terras  
 Induit, & tetrìs circùm foetoribus opplet:  
 Bis denique viri nebulæ tristis per amictum  
 Succincti pharetra & villoso tegmine cervi  
 Occurrunt: hærent lethalia spicula tergo.  
 Iàmque adeo hospitibus propior fera turba sagittas  
 Depromit pharetra, liquidâsque infesta per auras  
 Hamatum vibrat peracuto cuspide ferrum.  
 Cernit, Ruffiacâque minis abfistere lingua  
 Hortatur, fratres esse & socia agmina clamans  
 Interpres. Turbæ quæ vox ut venit ad aures,  
 Arcûmque & celeres, retinet quas dextra, sagittas  
 Abijcit in terram, & propior iam colla capûtque  
 Leniter inclinat gentis de more, salutem  
 Impertitque simul, gratatâque comiter omnes  
 Accipit adventum. Testatur & ipsa benignum  
 Advena turba animum, fortunam exponit, eorum  
 Consilium petit: exquirat, num copia detur  
 Spēsve sibi penetrare fretum, pelagôque potiri  
 Tartarico. Contrâ placido quibus ore profatus  
 Vnus de numero dedit hæc responsa, deditque  
 Fida fatis. Summam focij cognoscite rerum:  
 Pauca, modò expediam vobis: nam cætera nosse  
 Fama vetat, farique loci distantia fallax.  
 Quinque adeo cursum peragenti puppe dierum,  
 Extremôsque procul superanti per mare montes  
 Amplum ultra restat pelagus. Benè cognita pando,  
 Visa ego, vera cano: vos condita mente tenete.  
 Sic ait, & dextra, ratibus quâ sit via, monstrat.  
 Belgæ abeunt grati hospitibus, puppēsque revisunt,  
 Prensâque extremo statuam fòrs littore condunt.

Cursus à Sa-  
 moietis doce-  
 tur.



Vix navem ingressi, rapida cū barbarus unus  
Rheda vectus adest, sacrum qui littore tollat.  
Vt videt ablatum furtumque agnoscit, habenas  
Quadrupedi laxat, sceleris patiens malè: rectà  
Fertur in autores, puppi infilit, invenit: utque  
Avehit inventum, calida flammatus ab ira,  
Gestūque admissum & tacito scelus arguit ore.

Fretum Nas-  
soviū pen-  
tratur.

Ordinum in-  
sula ad Tarta-  
riam capitur.

Tartariæ littus  
infeliciter visi-  
tur.

Duo nautæ ab  
ursis laceran-  
tur.

Interea classem velis aptare jubentur  
Collectam, fiat vento mora ne qua ferenti,  
Iussa viri faciunt, portūque ferentibus Austris  
Excedunt: freta nota petunt, penetrantque secundis  
Auspicij: primo aspirat fortuna labori.  
Intrant & mare Tartaricum, cursūque peracto  
Ad dextram, patriæ capiunt quæ dicta parentum  
Nomine barbaricis propior iacet insula terris.  
Hinc pars Tartaricam curato plurima terram  
Corpore visendi studio petiere, profano  
Baccarum capti & gemmæ candentis amore.  
Hic verò nova res & lamentabile damnum  
Obijcitur miseris, nec provida pectora turbat.  
Namque ut de numero prostrati corpora bini  
Procumbunt socij malè noto littore, nec non  
Fessa soporifera relevant sua membra quiete:  
Vrsus adest subitus, sociorum fervidus unum  
Dente petit, rectaque minans in guttura fertur.  
(Horresco referens) morsu miser excitus altum  
Ter quater ingeminans clamorem ad sidera tollit.  
Excutitur somno socius, sociūque laborans  
Ipse laborantem magna formidine captus  
Deferit, arcessit reliquos, remque edocet. Illi  
Armati bis deni adsunt, hastisque vorantem  
Sclopetisque petunt. Datur hæc spes unica, saltem,  
Si vivo nequeant, non vivo posse potiri.

Sentit



Sentit (mira feræ rabies) prædâque relicta  
Confestim rectâ ruit imperterritus, agmen  
Fertur in armatum, medióque ex agminis unum  
Heu rapit, & lacerat miserè, reliquósque subinde  
Vnâ omnes premit attonitos (miserabile visu)  
Persequitur per saxa furens, vallésque reductas.  
Cernit, & extemplo cunctis à navibus ardens  
Turba virûm venit auxilio, subit ira cadentem  
Vlcisci socium & sceleratas sumere pænas.  
Iámque fatigatis redit in præcordiâ virtus:  
Exardent ignes animo: vim viribus addunt:  
Arma armis jungunt. Tum sic armata caterva  
Tota feram procul aggreditur. Nihil illa moratur  
Eminus aspectos gladios, nec tela, nec hastas:  
Relictam repetit, vorat haud exterrita prædam.  
Tres tandem è numero spectati fortibus ausis  
Intentam spolijs adeunt, sclopúmque vorantis  
Ignivomum in caput exonerant: glans tempora trásit.  
Illa, gravi quamvis lassatum vulnere corpus,  
Non tamen absistit, non prædam deserit, usque  
Dum sanie & largo fera membra fluentia tabo  
Deficiunt tandem: simul accurrente caterva  
Sclopetis, gladijs, telis prosternitur, & sic  
Luctantem multo vitam cum sanguine fundit.  
Quo facto, comitum semesa cadavera tristes  
Barbaricæ mandant terræ, condúntque sepulcro.

Nec multas stantem luces tenet insula classem,  
Terræ infelici nimium vicina. Carinas  
Littoribus solvunt, pelagúsque ferentibus Austris  
Tartaricum mensi findunt, ultróque citróque  
Velificant, ratibus penetrandi an copia quærunt.  
Verùm ubi nulla datur pelagus superare potestas,  
Et glacie loca cuncta vident obsessa perenni,

Glacie ulterior  
cursus impedi-  
tur, & domum  
reditur.



Spe vacui, réque infecta communibus omnes  
Consilijs redeunt, relegunt errata retrorsum  
Æquorâque, & patrio potiuntur littore puppes.

### NAVIGATIO III.

Ab Amstelo-  
damensi Sena-  
tu duæ naves  
apparantur.

Iámque simul Batavas classem rediisse per urbes  
Claruit, & studium vulgavit inutile velox  
Fama : patres dux Auraicus mora nulla suetam  
Convocat in sedem. Mœsti conamina discunt  
Irrita : bisque adeo Boreali climate frustra  
Tentato, bis barbarico rate marmore secto  
Incassum, pensântque moras, pensântque periculum :  
Et quod consilium, quæ sit sententia, quærunt  
Scinditur incertus studia in contraria coetus.  
Namque malo graviore viris, & sorte secundum  
Adversa attonitis, mens non una omnibus : unum  
Hic probat, ille aliud. Levior sententia quorum,  
Publicitus, velut antè, novas non pectore fracto  
Hortantur, suadent rursus instaurare carinas,  
Auspiciisque iterare fretum melioribus optant.

At quorum potior surgit sententia menti,  
Irrita jamdudum mittant tentamina clamant  
Publica : sin iterum de tot fors urbibus una (verset  
Urbs qua velit, studiûmque novum & nova pectore  
Consilia : aut etiam si mercatoribus ultro  
Impensis placeat proprijs fecisse periculum,  
Copia tentandi fiat : cursûque peracto,  
Si faveat fortuna viris, sat præmia tanto  
Digna labore ferant. Vincunt hi : alii omnia iuxta  
Oppida mercatorque silent. Tot solius inter  
Amstelodamensis studiûmque animûsque Senatus  
Apparet. Ergo binas navalibus ornat  
Exstructas promitque rates : Cerealibus stipat

Mu.



Munera: nec defunt merces: audentibus addit  
Ire viris animos: suadet penetrare laborent:  
Præmia victori statuit, dignamque labore  
Mercedem: armatas annis usûque peritis  
Instruit inde rates ducibus. Hemskerkius uni  
Pârque illi Bernardiades ingentibus ausis  
Præsidet, alterius Ripanum cura fatigat.

Iamque adeo solvit Flevolando à littore classis,  
Littore, Texelio ad Boream dextramque propinquo.  
Illa ferente Noto fertur: verum omine fertur  
Infauſto. Præſaga mali heu nova monſtra futuri,  
Hinc intercisos atque illinc iride cinctos  
Ordine Titanas longis rutilantia flammis  
Nubila flagranti ternos ostendere cœlo.  
Miratur triplices se prodere nubibus igneis  
Turba virum: meteora parum sibi cognita, nunquam  
Viſa prius meteora ſtupet, trepidatque, pavetque:  
Nec pavet immeritò. Sed enim formidine tandem  
Pulſa animos lapſos viréſque recolligit: orſum  
Vrget iter: coeptum pudor eſt abrumpere curſum,  
Et verſa ad patrios puppi remeare penates.

Interea medio ſulcantur ut æquora curſu,  
Miſcetur trepidos inter diſcordia nautas.  
Præſecto præſes, ductori cedere ductor  
Navita, virque viro neſcit, ſocióque ſodalis.  
Ripanum in primis Hemskerkiademque coorta  
Ductores inter liſ: rixa inopina moleſtum  
Turbat iter. Dextrum latus hic probat, ille ſiniſtrum  
Præfractus tenet, & monitis parere recuſat.  
Donec ad extremum cedens Hemskerkius ultro  
Inde ratem iungitque rati, lævumque ſecutus  
Pacis amore tenet. Longè hîc glacialia primùm  
Vtraque, candentes forma referentia cygnos.

Fruſta

Solvit à Fle-  
volandia.

Triplex Sol,  
iride multa  
partim cin-  
ctus, partim in-  
tercitus appa-  
ret.

Præſecti  
Hemskerkius  
& Ripanus diſ-  
ſentiunt: cedit  
Hemskerkius.



In insula Ur-  
na periculum  
à monte.

Frustra subit, vasta se mole moventia ponto :  
Et virides aspectat aquas. Mox se insula nomen  
Urforum rabidis ducens ostendit ab urfis.  
Nautica turba putans falso Gronlandica cerni  
Littora, conspectas proram convertit ad oras.  
Quas tetigere simul, fulicarum mille reperta  
Ova legunt socij, littus quibus affluit omne :  
Altâque prærupti superant fastigia montis  
Præ studio, glacie nivibusque horrentia densis.  
Sed revocare gradum, littusque evadere ad imum  
Hoc opus, hic labor est. Veriti descendere lethum  
Non audent. Tandem prosternere corpora cernunt,  
Applicito tristisque iugis discrimine tergo  
(Perpetuis quia mons horret radicis ab imo  
Rupibus obsessus, scopulisque minatur acutis)  
Præcipiti motu loca per declivia ferri  
Lubrica. Sic per glabra ruens longo ordine tota  
Turba faveute Deo non læso corpore fertur.

Periculum ab  
urfo albo.

Gaudia curta. Novum superata pericla periculum  
Excipit. Vrsus atrox, candens se abeuntibus offert.  
Ultro adit hunc solers, urgentique eminus instat.  
Turba scaphis, collo parat intentare rudentem  
Spumanti. Sed enim terrent immania membra,  
Vis terret, molésque feræ, roburque furentis  
Indomitum. Ergo virum trepidans armatur inermis  
Bello tota cohors, bellumque facessit. At ille  
Telorum haud cedit segeti, ferrumve tremiscit.  
Vna tamen favet incepto benè acuta bipennis.  
Scilicet illa feræ capulo tenus abdita cœcis  
Tergora vulneribus fœdat, hæretque cruenta  
Visceribus. Natat hæc tamen, & se læsa profundo  
Proripit. At postquam volucris prævertitur inde  
Remigio, mediæque illiditur altera fronti

Lan-



Languentis minùs haud aliã violenta securis,  
Procumbit tandem mactati more juvenci,  
Et mistum spumis moriens vomit ore cruorem.

His actis dant vela viri, terramque relinquunt  
Invisam, glaciẽmque secant, quæ plurima ponto  
Incubat. Et iam ortumque inter septẽmque triones  
Littore provectis longo, ut sublimiùs æthra  
Octonis decies gradibus suspenditur axis,  
Arva procul se circuitu Gronlandica vasto  
Tollunt, gramineisq; comis (mirabile visu)  
Obsita, & arborea passim viridantia fronde:  
Plena feræ, omnigenũmq; adeo fœcunda volantum,  
Ut, cum se agminibus factis per inania librant,  
Incertumque volant, coeloque examina ludunt,  
Et crebris rapidas quatiunt clangoribus alas,  
Pennarum sæpè impingant in carbasa cœco  
Remigio, velum pulsant, feriãntque rudentes.  
Hæc loca contingunt, fida & statione potiti  
Vela legunt, fessas firmantque in littore puppes.

Gronlandica  
littora legun-  
tur.

Ecce autem ratibus dum nautica turba saburram  
Quæritat hîc, ursus tranquilla per æquora candens  
(Horresco referens) immani bellua tergo  
Incumbit pelago, & superato pectore fluctu  
Naviculam petit, ac proræ simul implicat ungues,  
Luctatur, superat capite & cervicibus altis:  
Et vix vi ac rigidis à prora avertitur armis:  
Donec iners triplici circumfessa undique lembo  
Bellua, vulneribus crebrisque evicta, furoris  
Argumenta sui linquens, signa unguium acernis  
Expressa in proræ tabulis, nunc exerit ultro,  
Nunc caput immergit pelago, libratãque jactans  
Crura, suo morientique gravi se in vulnere versat.

Ursus infestat.

Postera vix umbras lux solvit: vela carinis

Iter glacies

D

Aptan-



impedit, & ad  
insulam Ursi-  
nam rejicit.

Dissentiunt  
præfecti.

Ripanus re in-  
fecta domum  
redit.

Hemskerkius  
cum Beren-  
nio Novam  
Zemlam petit.  
Inde Boream  
versus tendit.

In insula Cru-  
cis ab urfis in-  
festatur.

Aptantur, Zephyro fiat mora ne qua ferenti.  
Aura favet: sed iter glacies remorata repellit  
Urfini puppes malè grati ad littoris oras.

Hic nova præfectos inter contentio surgit,  
Ménsque haud una ducum studia in contraria fertur.  
Ripanus loca visa priùs Borealia rursum  
Puppe petit, notæ regionis littore lecto  
Eoo, ulterius sperans penetrabile marmor.  
Verùm exantlato terræque marique labore  
Nequicquam vario, spe nulla, inglorius, alto  
Littora retrorsum relegens errata remenso,  
Multa ratem patrijs quassatam sistit in oris.

At Bernardiades animo & spe plenus in ortus  
Phœbeos convertit iter, tandèmq; potitur  
Zemlanæ non ignoto sibi littore terræ.  
Radit eam propior fugitans, dextrâque relinquens  
Arctoa ulterius verso per climata cursu  
Transmittit varijs passim freta concita saxis.  
Erranti attolit sese Crucis insula, nomen  
Erectis hoc à crucibus sortita gemellis.  
Occupat hanc glacie cursum remorante carina:

Turba virûm pertæsa sali huc bis quattuor exit,  
Certatimque crucem, propior quæ, visere tendit.  
Quam propter sævæ gremio vix languida terræ,  
Sternitur infelix, funditque exercita curis  
Fessâque sub dño malè certæ membra quieti:  
Altera cùm niveos crux dissita longius urfos  
Ostendit geminos immani corpore, fursum  
Membra cruci erectos, speculantes eminus, inque  
Ora viros fremebunda procul conversa tenentes.  
Horrida frendentum vox ut pervenit ad aures,  
Abrumpit, trepidoque excludit pectore somnum  
Obstupefacta cohors: nec ferro cincta, pavensque  
Præci-



Præcipiti dat terga fugæ, quanto impete, quanta  
Vi potis est, titubans usque, & cedentia retro  
Navigium latebrâsque petit, vix læta periculum  
Effugit, & casu vitam graviore tuetur.

Et jam roriferas noctis deterferat umbras  
Clara dies: dubio erigitur crux littore nautæ  
Tertia: quâ signis, quâ charactere notatâ,  
Sulcat inoffensas placidi ratis æquoris undas  
Leni vecta Noto, & vacuo glacialibus alto  
Molibus exuperat montes Solaminis aspros  
Infelix. Nam vix portus subit ostia puppis,  
Cum nebula subito cœlum omne involvitur atra:  
Circumfusa ruit nivium vis magna: secuta  
Tempestâsque animos inopino turbine turbat.  
Nec modò turbat hyems: augent discrimina curas  
Percussis permagna recens oblata priores.

Sedulus excubias agitans de more fideles  
Nauta foros supra citro ut spatietur & ultro,  
Fortè feræ ronchos sonitus ducentis ad aures  
Pervenit. Ille stupens simul alto prospicit, ursum  
Vasta mole ratem iuxta superare minantem  
Vnguibus agnoscit: socios tremulo simul ore  
Excitat inclamatque viros. Illi ordine longo  
Approperant omnes, vocemque ad sidera iactant.  
Quâ primum perculsa procul fera proripit ultro.  
Sed redit illa gravis rabiéque animoque, remensaque  
Inde via gressu stabili peiora minatur.  
Turba virum hoc viso sclopis instructa quaternis  
Ignivomis, omnes adversum explodit in hostem  
Vrgentem pariter glandes, mediâque minantem  
Traiecit. Illa simul tergo fera vulnera sentit,  
Occulit aufugiens sese, quærítque latebras.

Tum verò gravior casus, maiúsque periculum

Montes Solaminis attingit.

A navi ursum  
vix amovet.

Periculum na-

In-



vi à scopulis  
glacialibus.

Ingruit. Hinc illinc extruso fragmine multo,  
Mole ratem magna glacies circum obsidet, urget  
Fortius adiutante Noto, & velut aggere claudit.  
Sed quæ cura virum & sortis favor, ilicet omnes  
Certatim contis validis, longisque subinde  
Trudibus annixi luctantem multa carinam  
Expediunt: Iamque illa fugit, ventoque secundo  
Radit iter: verum malè fida ac lubrica versat  
Has fortuna vices: miseros nova cura fatigat,  
Anxia cura magis, percussaque pectora sternit.  
Quippe minus pubes vix nautica læta periculum  
Effugit, in maius cum præcipitata laborat.  
Stat mediis scopulus glacie concretus in undis  
Marmora rauca inter, denos ter & amplius altus  
Qui cubitos, quinas ab aquis assurgit in ulnas,  
Cætera depressus longum sub gurgite cœco  
Delitet. Acta ratis subit hunc: disrumpitur ille,  
Et sese plùs quàm sexcenta in fragmina spargit.  
Vnde fragor tantus, sociorum ut frigidus horror  
Membra virum quatiat, celsum sonus æthera pulset.  
Haud mora perplexis incumbit navita contis  
Impiger, avertit proram, laxatque rudentes:  
Spemque adeo præter vitamque ratemque periculo  
Eripit. Occurrunt similes pergentibus ultra  
Binæ mole gravi cautes: quarum una sub undas.  
Quinquaginta latet cubitos depressa, superque  
Humida ter denis suspenditur altiùs ulnis:  
Altera mole minor paullo. Declinat utramque  
Forte favente ratis: pelago hinc decurrit aperto:  
Aura secundat iter: proVectosque insula duplex,  
Nomen ab Auræico ducens heroë, carina  
Accipit incolumi. Relicta ubi littore puppi  
Exposito Zemlam socij bis quinque phaselo

Ex insulis Au-  
raicis in No-  
vam Zemlam  
transmittitur.

Visum



Visum adeunt : vasti qui celsa cacumina montis  
Ascensu ut superant, terram explorantque iacentem,  
Cognoscuntq; situm: porrecti ortum inter & Austrum  
Perlongum, & vidui glacie crustaque rigenti,  
Spem præter placidi spaciofa silentia ponti  
Repperiunt, sociisque hilares quæ visa reportant.

Mare ad or-  
tu. n. sine glacie  
videtur.

Voce exoptata reducum lætata iuventus  
Afflictis audet melius confidere rebus,  
Et tentare novas malè noti gurgitis undas :  
Frustra. Namque ortum flexo per coerulea cursus  
Phoebeum versus iuga per glacialia, vim per  
Aequoreum vecti pecudum, saxa aspera montis  
Vix Desiderij præterlabuntur ovantes:  
Cum nova turrigero tempestas ingruit alto  
Horrida : multa Notus glaciei fragmina præceps  
In puppim collecta ferit, metuenda minatur.

Pergitur ad  
promontori-  
um Desiderij.

Volvitur in glacie navis, quassatur acutos  
Concretis velut in scopulos rigidi maris undis,  
Indomitique gelu reboantibus ictibus hærens  
Personat, obluctansque crepat, rabidoque laborat  
Errabunda salo. Montes superare Tabinos  
Haud spes ulla super, cursuque ad vota peracto  
Felici patrijs successu allabier oris.

Tempestate  
navis confi-  
ctatur.

Ergo Eoa virum Zemlanæ littoræ terræ  
Raderè fert animus, cursum convertere in Austrum  
Obliqua regione sali, claustróque remenso  
Nassovio, reduce in patriam remeare carina.  
Irritus ast labor est, studiúmque & inutilis ardor.  
Quippe viam meditantibus hæc via nulla patefcit.  
Cuncta tenet glacies, versa & dare lintea cogit.  
Hic Desiderij attonitis visum loca præter  
Nota vehi rursus, peraratæque littora retro  
Ad Boream legere, & qua ventum parte redire.

Tenditur fru-  
stra in Austrum  
ad fretum Nas-  
sovium, animo  
redeundi in  
patriam.

Reditur ad  
promontori-  
um Desiderij.

Obsidetur na-  
vis glacie.



Cibus, potus,  
arma expor-  
tantur.

Sed neque permittit glacies. Hæc impete magno  
Concita triste furit, sublatâque æquore prorâ,  
Deprimit ipsa vado puppim, mergitque sub undas,  
Et laterum tabulas repetito verbere laxat.  
Adiuvat urgentem stridens Aquilone procella  
Importuna fero glaciem : ruit illa carinam,  
Illiditque vadis, turritoque aggere cingit.

Iamque adeo navis facta est ut inutilis, impar  
Fluctibus insanis, furijs labefacta profundi  
Gurgitis, impatiensque Noti, pelagique gelati :  
Fidere non audens glaciali pondere pressæ  
Quassatæque Aquilone rati, rigidæque gementi  
Mole sub, haud segnis (quamvis lassata labore  
Membra gravi dudum, curisque ingentibus ægra)  
Nautica turba penum exhaurit : exhaurit onustos  
Puppe cados, promit Cererem exportatque phaselis  
Provida fluctivagis, udoque in littore sistit :  
Ut, si tristis hyems, si non tractabile marmor,  
Altiùs & crescens glaciei ferrea moles  
Fors illic teneat, patriosque redire penates  
Imperiosa vetet, habeant, latrantis acerbam  
Quo stomachi rabiem miseri & ieiunia pellant.

Expediunt genus omne super, trahuntque, trahuntque;  
Arma viri, pariterque annexi ad littora sistunt,  
Fulmineos enses, hastas, validasque bipennes,  
Perfusas sanieque nova, multoque rubentes  
Sanguine quadrupedum concreto & cæde ferarum :  
Nitrato plumbum & glâdes cum pulvere, sclopumque;  
Ignovomum, rapidisque imitantem fulgura flammis  
Horrida : quæque utero Mavortia machina foeto  
Tela gravi ructat glomerante volatica ferro  
Intus hians, flammamque vomens attollit ab ima  
Fauce accensa globos, teretique expirat ab ore,

Et



Et procul horrificis mugítque tonátque ruinis.

Instrumenta simul promunt fabrilia, cymbas  
Si laceras reparare velint, ne fortè requirant  
Incaſſum. Quin & caſulam ædificare remoto  
Littore fert animus, pigræ quæ frigora brumæ  
Crudeles pecudúmque minas rabiémque ferarum  
Arceat indomitam. Sed ligni copia deſit,  
Materiámque negans miſerúm non annuit ora  
Conſilijs. Quid agant? Deſint cum cuncta, parentis  
Non ſola ætherei queribundæ cælica genti  
Numina, viſque favórque deeſt. En provida coeptis  
Aspirat iam cura Dei, præſénsque laborans  
Navita cognoscit numen: fert æthere ſummo  
Auxilium afflictiſ pater: inſœcundáque ligni  
Lignorum regio (mirum) procurat abundè.

Namque ut de numero dubius nauta unus & alter  
Littore deſerto, curiſque ingentibus æger  
Explorare ſitum terræ, fortémque virorum  
Diſcere demiffus, nebulæ caligine turpis  
Involveſte diem, ruit errabundus, & uſque  
Huc illuc agitur citróque ultróque locorum  
Ignarus: dextra facili ducente viámque  
Præmonſtrante Dei, non ſeſe flumine tantùm  
Optatò manans prodiſ ſpem præter amæno  
Largus aquæ rivus, nitidique è rupe liquores:  
Sed magis opportuna etiam res dulce laborum  
Solamen ſe offert trepidiſ, mulcétque labantes  
Suſtentátque graves animos, atque aſpera quamvis  
Fata levat, minuitque feræ mala tædia brumæ.  
Fluminis en ripam vicináque littora circùm  
Lignorum viſ magna tenet, validiſſima ſagi  
Fragmina truncorum: tum ſeſquipedalia pinĩ  
Pondera, populeæque trabes & fiſſile robur,

De domuncu-  
la ædificanda  
conſilium ca-  
pitur.

Ligna præter  
ſpem inveni-  
untur.

Tarta-



Tartaricis olim Zemlanæ finibus oræ  
Rusſiaciſve mari vento devecta propinquis.  
Zemlica nam quid tale Aquilonibus aſpera canis  
Terra terat? quam non viridantes ceſpite campi  
Florigero, non prata beant, non gramina pingunt,  
Non herbæ: non lenta ſalix, non pinus obumbrat:  
Non lætam ſeges ulla facit, non ramea proles:  
Cuius non rigidum molitur vomere quiſquam  
Perrumpitque ſolum: nive quæ veſtita perenni,  
Iugi clauſa gelu, ſemper glacialibus horrens  
Aggeribus, nunquam rigidis viduata pruinis.

Asportatur  
materies.

Ergo inopina requiſiti ut data copia ligni  
Asportata mari, pertentant gaudia pectus.  
Scilicet ædiculæ lignorum turba locandæ  
Nautica, perpetuôque foco, qui frigora brumæ  
Vrentis longum vincat funeſta, ſtruendo  
Deputat eſſe ſatis: quibus infelicitei orbos  
Dira procul dubio miſiſſent frigora letho.

Interea ut ceſſant nebulæ, tetrîque vapores,  
(Namque hi bis quinas cæca caligne luces  
Obtenebrare ſolum, & latè corrumpere totum  
Proſpectum miſeris, obſcuræ noctis amictu  
Squallenti obſeſſo picea inter nubila cœlo)  
Haud mora tota ruit, flumen repetitque virorum  
Læta cohors, operi incumbit: quæ robora dantur,  
Molitur valida, volvitque, trahitque, levâtque,  
Protruditque manu, variè collectâque cogit  
In cumulum, ſtipâtque, & acervos addit acervo  
Provida. Quippe timet, nimboſ ne fortè nivales  
Turbidus hiberno Boreas ſi volvat ab axe,  
Et glomeret gelidas flocco turgente procellas,  
Nix ea ſparſa tegat, frigûſque laboribus addat  
Trifte necem. Poſthæc rhedis inſtructa gemellis,

Non



Non intermisso duro vigilique labore,  
Haud pertæsa viam, passus bis mille ter amplas  
Complexam, bis septenis adnixa diebus,  
Omne bipartito procul advenit agmine lignum.

Inde loco domui lecto, licet ipsa sat artis  
Turba rudis (nam fabrorum nulli arte secundum  
Solibus atra tribus mors hauserat antè magistrum.)  
Urget opus tamen, acceleratque, subitque labori  
Impigra non fueto. Ponit quadrata rigenti  
Fundamenta solo, manibus molimine magno  
Robora subvolvitur, moles & molibus aptat  
Ingeminans, trabibusque trabes superaddit acernas,  
Et tabulas tabulis, & tigna trabalia tignis.  
Quasque adeo crudus vacuo fors asser hiatu  
Ostendit rimas, stupis arentibus opplet.  
Postibus inde fores addit, tollitque caminum,  
Qui vacuum piceos expiret in aëra fumos:  
Asseribus tectum incrustat, munítque superne  
Culmina sectilibus tabulis congesta, superque  
Ingentes cumulos, minuatur quæ frigus acerbum,  
Aggerit effossæ tectoque insternit arenæ.  
Lassat opus studiūque viros: creberrimus armis  
Propulsandorum lassat immane furentum  
Impetus urforum, & concretus frigore potus.  
Quippe bibunt non hausta cado: glacialia duro  
Cæsa cado gladijs aut igni fragmina liquant,  
Aut data frustra bibunt. Verum nihilo minus ægrum  
Languentūque virum fervet labor omnis, & omne  
Sudat opus. Animos urgentia mille pericla,  
Instantesque addunt (mirum) mille undique casus.

Vix dum cessat opus, multo languore peresis  
Arridentque rudis blandum fastigia tecti:  
Turba suam visit cum puppem nautica, dudum

Domuncula  
magna cum  
molestia ex-  
truitur.

Urbes tres na-  
vim petenti-  
bus infesti.

E

Coeru-



Coerulea stantem glacie, bis quinque virorum  
Præsidij gelido servatam in littore, rhedisque  
Adductis reliquum parat asportare bonorum.

Ecce autem vastâ tria corpora mole ruentum  
Urforum improvisa adfunt, atque agmine certo  
Agmina fessa petunt, rictuque minantur hiulco.  
Hic Bernardiades, navis ductorque bipennem  
Quisque rapit (rhedis armorum nil datur ultra  
Ambabus) fidensque trucem sese armat in hostem.  
At reliqua extemplo notâ se condit in alvo  
Nautarum stupefacta cohors, fugiensque carinæ  
Insilit. Hos sectans urforum turba fatigat.  
Auxilio subeunt illi, rhedisque relinquunt,  
Præsidioque tegunt se navis. Cæca furore  
Certatim illa rati insultat, pede pulsat & urget,  
Ascensuque tenax tabulas superare laborat.  
Quid faciant? non bina viris nisi sola bipennis  
In promptu miseris, furibundorum arma potentum  
Cædibus imparia urforum cladisque minantur.  
Arripiunt titulo armorum non digna vocari.  
Stipite res geritur valido, sudibusque præustis.  
Ramorum seges incursum proiecta moratur:  
In quam, more canum, missam (res mira) ruitque,  
Mordicus & rabido bis ter quater ore petito  
Ligno, insana pecus vindictam poscit ab armis  
Indignans: hastas donec sclopósque carina  
Navita glandivomos petit, atque in fomite flammam  
Accenso rapit. At, nondum benè sic fatis hisce  
Monstrâ coaptatis gravioribus acta procellis  
Irarum ignescunt, furijs magis effera diris  
Insultuque novo, superant cervicibus altis.  
Aspirat fortuna tamen. Nam fortè bipennis  
Ut rectâ nares graviore per unius ictu

Fertur



Fertur adacta feræ, adversumque os perforat alto  
Vulnere, paullatim se proripit illa doloris  
Impatiens: reliquæ fugientem ponè sequuntur:  
Præsentique simul lethi discrimine liber  
Nauta trahis, rerum quicquid superabat, onustis  
Relictos repetit socios, salvusque revisit.

Et iam tempus adest, nox cum brumalibus umbris, Nocte perpe-  
Lumine Luna novum repleat dum tertia cornu, tua trimestri  
Et iugi superinducta caligine pontum vulpes pro ur-  
Induit obscurum: terra latet usque sub alta, sis albæ appa-  
Nec patulum rapidi vis flammea Solis Olympum rent.  
Altiùs Oceano nitidis inducta caballis  
Astrivago repetit curru, terrisque tenebras  
Subiectis, gratis vicibus lucemque reducit:  
Vrforum genus omne fugit, lustrisque profundis  
Se occultit, atque hominum conspectu longius arcet:  
Pròque illis toto candentes corpore vulpes  
Hactenus haud visæ, furiasque minasque paventes  
Vrforum, latebris crebræ extruduntur opacis.

His solers meditata dolos fraudemque iuventus Capiuntur  
Nautica, fune trahit contorto retia, raris multa.  
Disponitque locis, foveasque in littore coecas  
Excipulasque plagasque parat, laqueosque tenaces,  
Currentemque ligat pedicarum compede turbam  
Optatò. Victu nam deficiente ferinas  
Captarum subigit suadetque absumere carnes  
Dura fames: ægros defendere pellibus artus  
Aspera suadet hyems, & non tolerabile frigus.  
Nam, si cui linguæ centum sint, lumina centum,  
Temporis illius non casus, non mala fando  
Explicit, aut possit lachrymis æquare labores.

Ah! quoties summi superans fastigia tecti Hyemis in-  
Præcludit nix alta fores, cogitque camino commodam do-

E 2

Vti



nestica sunt  
plurima.

Vti pro foribus? quoties fragor aut collisæ  
Horrendus glaciei, aut scissæ Aquilone pavores  
Vicino pelago trepidos iterumque iterumque  
Incutit, & sonitus vastum arduus æthera pulsat?  
Ah? quoties structo gravis exhalatus ab igni  
Fumus non sese fursum per inania librat  
Nubila, fumigero nec celsius ille camino  
Rectus abit? quoties mixtos candente procella  
Præcipiti regerit fumos Aquilone favillâ,  
Tartareamque domus glomerans per inania noctem,  
Prospectumque omnem eripiens, tectumque forésq;  
Obsidet, assiduâque gravat fuligine postes?  
Ah! quoties fumo sic infestantur oborto  
Lumina, ut urentis vel summo frigore brumæ  
Aut nudare focos & demere nutrimenta,  
Fumifico aut dare ligna foco semusta nivali  
Cogantur gleba, gelidave exstinguere crusta?  
Quin ipsum quoties adeo intolerabile frigus,  
Intensumque, peti ut foribus præ frigore clausis  
Vix propiora foco languenti pabula possint!  
Tecto efferre pede in nemo audeat, aut Aquilone  
Occlusas referare fores bacchante, videre  
Aëra, ventorumque vices inquirere? celsis  
Linteolo exerto captetur & aura caminis?  
Prægelidum flammis nec adusto corpus amictu,  
Tergeminis tectum braccis hirtisque ferarum  
Pellibus, incaleat? lucentes navita canis  
Ante focum residens ostendat terga pruinis  
Hispidâ? parietibus, spondisque gelu crustatis  
Halituum nebulæ bino plus pollice crasso  
Non nisi crusta domus glaciésque appareat intus  
Perpetua? aggestis vel flammifer altius igni  
Roboribusque impar nequeat focus ipse trementes

Cal-



Calfacere, & gelidum membris defendere frigus ?

Fortè semel gravidà fossas tellure, maligni  
Frigoris heu telo stimulante, bitumine pingues  
Confugit ad glebas improvida turba, focóque,  
Ligni parca, feræ & quærens medicamina brumæ,  
Apponit : magno sed cum discrimine lethi.  
Nam simul extracto benè sat domus incalet igni :  
Iámque calens lecto languenteis quilibet artus  
Immergit, placidæque hilaris dat membra quieti :  
Ecce, ut victa iacent somnóque oppressa profundo  
Corpora, vertigo focios horrenda repentè  
Correptos glomerat : verùm non omnibus æqua.  
Profilis extemplo stratis, qui fortior, unus :  
Ostia festinus pandit : tenebrisque subortis,  
Proh dolor, ante fores medius nive concidit alta  
Semianimis. Audit Bernardius, ostia propter  
Fortè cubans propior : properat, promptusque misello  
Addit opem, trepidansque petit non segnis acetum,  
Ora per effundit, cervicem labraque stillans  
Irrigat, & gelidis aspergit tempora guttis,  
Auxilióque levat, sensusque animamque labantem  
Paulatim revocat, virésque in pristina reddit.  
Sentit & alter, & excutitur, titubansque rotato  
Vertice mox casulam superat, tegménque camino  
Arcendóque gelu, compescendóque calori  
Impositum demit, fumorum ad opertaque pandit  
Ostia. Sic omnes frigus restaurat ad unum :  
Et quæ caussa mali fuerat, fit caussa salutis.

Et jam coelivagos iterum Phoebeia lampas  
Ostendebat equos, coelóque excelsior ibat :  
Brumalique diu tectæ caligine terræ  
Lumina reddebat : vulpes non amplius ullæ  
Cum de more ruunt, & formidanda relictis

Redeunt Sole  
se rursus ostē-  
dente urfi, &  
molesti sunt.



Urforum magno rabies redit agmine lustris.  
Fortè horum certo tuguri petit ostia gressu  
Vnus de numero : missa quem navita glande  
Sclopeto ferit ignivomo, transfigit, anhelum  
Sternit humi. Subit auxilio, crudòque cadenti  
Semineci monstro nondum benè fisa iuventus  
Vulneribus medium plumbo per corpus adacto  
Cautior ingeminat vulnus, tabòque fluentem  
Cominus aggreditur, mucronibus inguen obesum  
Perforat, extensum missa latus eruit hastà,  
Dextrahit exuvias, decies denùmque potita  
Arvinæque adipis que latentum sub cute pondo,  
Exin per longæ solitum bruinalia præter  
Tempora sic noctis accensa lampade vincit.

Hoc facto, rabie ventris stimulante famèque  
Altera nocte ruens en impete bellua certo  
Culmina conscendit casulæ furibunda, camino  
Fortius insultat, victus quo tegmine velum  
Mordicus apprehendit, lacerat, luctatur, & usque  
Vim facit, ac rapido tuguri pede culmina pulsat :  
Naribus, ore super ronchos fremitumque tonantem  
Ingeminat, raucis ululatibus æthera complet,  
Pectora terrificat miserorum, aurèsque fatigat.  
At tandem bacchata diu, perrumpere tectum  
Nescia, desperans prædam se proripit ultro.

Sed quid ego urforum crebrò repetita furentum  
Ad casulam malè grata novans exempla revolve ?  
Quæ si cuncta meis complecti versibus optem,  
Altiùs & prima repetens ab origine pergam,  
Antè diem clauso componat vesper Olympo,  
Interea pro nocte dies gratissima serpit,  
Perpetuùm pulsisque subit lux clara tenebris,  
Nec se Phoebus totum occulit amplius ignis :

Donec

Die perpetua  
de abitu con-  
siliu capitur.



Donec equis plenum reparato candida cornu  
Cynthia converfis novies glomeretur in orbem:  
Spemque viris abitus auget. Namque omnibus idem  
Invisa est animus jamdudum excedere terra. (stros.  
Linquere non gratum hospitium, & dare puppibus Au-  
Sed quando obsessæ glaciali monte carinæ  
Utendæ spes nulla datur, mediæque tenentur  
Morte viri: laceros ad iter, si detur abire,  
Fluctuque & glacie statuunt aptare phaselos,  
Atque his ad patrios retro, quando ultima cernunt,  
Conari remeare focos, vitamque tueri.

Accingunt omnes operi, conamine magno  
(Namque malis fessi ac languentis frigore robur  
Corporis heu tanto vix par imbelli labori)  
Subducunt nivium montosa per agmina lembos,  
Per glaciemque trahunt: tractos gurgustia ponè  
Sistunt, ædificant: antennas, carbala, malos,  
Remosque, clavosque viri, nec non genus omne  
Armamentorum, quæ postulat usus, adornant.

Cymbæ lace-  
ræ ad iter a-  
plantur.

Quo facto, nivium magno molimine montes  
Capreolis, rutris, marris, validoque ligone  
Tota cohors intenta ruunt, æquantque: per altam  
Aequoreos glaciem ad latices aditumque viamque  
Expediunt: celeres lapsusque rotasque phaselis  
Subijciunt, funem intendunt, truduntque trahuntq;  
Annixi pariter, cymbasque ad coerulea sistunt:  
Quodq; penus reliquum, lectosq; ac stragula stipant.  
Insuper & tuguri medio suspensa camino  
Scripta restauratis abituri gurgite lembis  
Rellinquant: doceant quæ, si malè gnarus eundem  
Deveniat quis fortè locum rate nauta, misellis  
Quæ fortuna viris, Arctoa per æquora quondam  
Navi ad Chinæas duplici nitentibus oras

Viâ ad mare  
expeditâ sti-  
pantur.

Scriptum in  
domuncula  
relinquitur.

Incas-



Incaſſum, ſue rit : quæ cauſſa coëgerit illinc,  
Exhauſtis ter mille malis, ad patria curſum  
Retrorſus gemino convertere littora lembo.

Cymbis ſin-  
gulis ſua ſunt  
commentaria.

Quin & geſtarum ſunt commentaria rerum,  
Perpeſſique mali redeuntibus addita cymbis :  
Quæ, ſi diverſas illæ vertantur ad oras  
Excuffæ curſu, aut fluctus coelive ruina (tex  
Opprimat alterutram, aut rapidus voret æquore vor.  
Fortè aliâ reduci curſum ſervata moleſtum  
Edoceant, quos ſcire opus eſt, moneântque laborum.

Nova Zemla  
deſeritur.

Iâmq; ubi prima fides pelago, tumidũ minũs æquor  
Fluctibus, & lenis crepitans vocat Auſter euntes,  
Arctoas repetunt undas, & inhospita linquunt  
Zemlææ nimium benè cognita littora terræ.

Ad inſulas Au-  
raïcas cymbæ  
glacie obſi-  
dentur.

Vix è conſpectu inviſæ telluris in altum  
Spemque metumque inter dubij dant vela : carinas  
Cum glacies congeſta recens velut aggere cinctas  
Obſidet, & ſecum perlongo limite raptas  
Forſan ad Auraïcas feliciter applicat oras.  
At fortuna brevis. Simul hinc ſolvere, ſubinde  
Vi glacies maiore ruit, ratibũſque minatur  
Exitium, & circum nebularum fundit amiçtus.

Moriuntur  
duo primarij  
viri.

Hic ſtupefacta viris ſolvuntur frigore membra :  
Conſilium deſit, nec quid fugiantve petantve  
Inveniunt. Melior viſa eſt ſententia, lembos  
Exonerent, ægròſque ambos (duo namque laborant  
Iamdudum graviũs, curæ caſũſque levamen  
Infeſti, Bernardiades unus, ſatus alter  
Andrea) in glaciem exportent, lectiſque reponant.  
Poſt vacuos etiam glaciali ex æquore lembos  
Subductos campo ſtatuant, lacerãſque carinas  
Inſtaurent. Ergo haud ſegnes quæ viſa faceſſunt,  
Præſenti & ſic ſe eripiunt discrimine. Sed ſpem

Con-



Conceptam minuit mors heu inopina salutis  
Arte secundorum nulli & virtute virorum,  
Spernentum mortis, coepti autorumque laboris.  
Nec tamen audenti cedit fiducia nautæ.  
Numinis auxilio fretus connititur uno:  
Haud temere. Ostendit se spes nova: redditur æquor  
Liberius: verum haud longo sine redditur undis  
Bina labore ratis. Pergunt titubante subinde  
Et forte alternante vices: pelagique volantes  
Saxa per & glaciem primum Solaminis, inde  
Nassovios cernunt montes: At tangere littus  
Non datur: obsessos glacies premit undique, & Austri  
Insurgunt, totumque ruunt à sedibus imis  
Æquor, & ingentes volvunt ad littora fluctus.  
Scinduntur vela, antennæ franguntur, hiænsque  
Æquoreas ratis haurit aquas: letum omnia præsens  
Intentant. Sed sese optatò flamina ponunt  
Sæva volente Deo, cymbasque in tuta repostas  
Nassovios ultra montes & cœrula sistunt.

Insula So'a-  
minis pergen-  
tibus se osten-  
dit.

Ad promon-  
torium Nassov-  
ium tempe-  
stas lembos  
afflictat.

Ad Crucis in-  
sulam multa  
cruciant.

Vix benè servatos satis illætabilis ora  
Accipit. Apparet longè Crucis insula, magnæ  
Terra ferax crucis. Hic maiora pericula rursus  
Circumstant. Quoties glacie velut aggere septum  
Et lacerum campo glaciali attollere lembum  
Suadet hyems? quoties sub velo corpora panko  
Fessa labore gravi placidum captura soporem  
Opprimit urforum mare per glaciemque ruentum  
Savorum rabies? quoties mercésque cibosque  
Ad Solem & ventos udos aspergine falsa  
Exsiccant? quoties magno conamine puppes  
Restaurant? quoties longo molimine passus  
Mille per integros annixi in cœrula rursus  
Blandis vela viri placidisque vocantibus Euris

F

Detru-



Ad insulam  
Prætoriam  
VValruschæ  
vim faciunt.

Ad finum  
Laurentij duo  
lembi Russici  
occurrunt,  
cursum præ-  
eunt.

Russicum lit-  
tus legitur,

Detrudunt? Tandem post mille pericula, casus  
Mille malos fortuna favet. Felicibus auris,  
Liberiore falo vectis Crucis insula cedit.  
Inde finum superant Nigrum. Prætoriam post quem  
Insula se tollit: bis centum ubi monstra carinas  
Dentibus oppositas circumfunduntur eburnis  
Noxia, vim faciunt. Sed enim discrimine ventus  
Eripit Arctoïis vehementior excitus oris.

Carbasia plena tument. Apparet eurtibus ultra  
Planciacum littus: promontorij inde cacumen  
Cantiaci, & gemino minitantes vertice cœlo  
Navifragos fugiunt scopulos. Crucis angulus inde  
Cernitur: inde sinus Laurentius. Hic duo sese  
Post varios illic casus actosque labores  
Russiaci ostendunt lembi. Gaudetque timetque  
Belgica turba: hominum visu lætantur: at hosti  
Offerri metuunt: adeunt tamen. Illicet illis  
Hi visis opera haud segnes ratibusque relictis  
Occurrunt, iungunt dextras, blandumque salutant:  
Nassovici quondam memores prope littora porthmi  
De numero vidisse duos: ratibusque receptos  
Qua possunt ratione iuvant: ventoque secundo  
Hospitibus cursum præeunt. Sed protinus atræ  
Prospectum heu nebulæ eripiunt, Batavæque carinæ  
Amisissis socijs, qua parte est insula duplex,  
Zemlanæ extremo sistuntur littore terræ.  
Post nebulam valido stridens Aquilone procella  
Assurgit, nimbumque trahit: furit æstus arenis:  
Nec pluviam prohibere valent quæ vela carinas  
Strata tegunt: infueta viris res & nova: quos iam  
Non toto pluviae vel gutta rigaverat anno.

Vt pelago desævit hyems, Boreasque minarum  
Desijt, obliquant cursum, Zemlaque molesto

Litto-



Littore Nassovióque freto post terga relicto,  
Ruffiacas ducente Deo verruntur ad oras.  
Híc oblata famem, míseros quæ dura fatigat,  
Barbara non ratis una levat, tenuatáque victu  
Membra virúm reficit: cursum docet. Inde per æquor  
Pissoricum vectis sese Colgoia tollit  
Insula: cùm socias tempestas magna carinas  
Disijcit: & bis quinta dies erroribus actas  
Albenti pelago varijs plenísque laborum  
Lappiaco lætas vix demum littore iungit.

Russi de cibo  
prospiciunt.

Ad insulam  
Colgoiam  
tempestas.

Híc nova res oblata viris levat anxia curis  
Pectora. Lappiaci (quæ gens fera, barbara vulgò  
Creditur, immanísque) cibi genus omne ministrant:  
Consilio officióque iuvant: statione teneri  
Colana Batavásque rates, abitúmque parare  
Expediunt: mittunt, rem qui cognoscat, ituras  
Qui teneat, reduces peregre Belgásque precetur  
Expectent. Redit ille citus: tradítque sodalis  
Ripani à socia vento glaciéque carina  
Mensibus avulsi bis sex volventibus olim,  
Arctoúmque fretum penetrare parantis ad Indos  
Scripta manu: qui iam, ut patrias repetiverat oras,  
Vanum emensus iter, rursúm mercantibus illinc  
Colanum extrusus portúmque finúmque tenebat.

In portu Co-  
lano Ripanus  
invenitur.

Litterula vix dum lecta, mirantibus illis  
Barbarica rate vectus adest Ripanus: olivi  
Panísque carnísque ferens, zythíque, meríque  
Quod fatis: & dicta citróque ultróque salute,  
Fessa malis, multáque fame tenuata suorum  
Raptorum letho sociorum corpora curat:  
Tum secum abducit. Simul his Colana propinquat  
Tellus, & virides vicino in margine passim  
Fluminis apparent frondes, nova gaudia mente



Colæ relictis  
lombis, depo-  
sitisque in do-  
mo Emporica,  
cum navi Ri-  
pana post octo  
decim menses  
re infecta do-  
mum reditur.

Concipiunt (quia vel toto quo tempore circum  
Errarant, frondem aut viridantia gramina nusquam  
Cernere contigerat miseris) sibi vivere visi  
Orbe novo, salvique satis: Colaque recepti  
Bis quinis animum laxant corpusque diebus.  
Inde domo cymba mercantum utraque reposta,  
Erroris longi demirandique laboris  
Indice, barbarica fluvio rate vecta secundo  
Nautica Ripanam conscendit turba carinam.

Linquunt Lappiacos portus, pelagóque volantes  
Dura legunt cœcis Norvegica littora faxis:  
Et reliquum ventis mensi felicibus æquor,  
Ter senis miserè fructu sine mensibus actis,  
Optata tandem patria potiuntur arena.

FINIS.

Ad Zoilum.

*Ne frontem capera, neu nasum, Zoïle, crispa.  
Vel solo vates tempore tutus erit.  
Nempe opus hoc quinta et atis trieteride panxit:  
Et correcturum mors properata tulit.*





circum  
nunquam  
fi  
ri  
as  
pola,  
m.  
volumes

rijs  
danc  
s.







